



**KENYATAAN MEDIA**  
**TIMBALAN PERDANA MENTERI**  
**MENTERI PERTAHANAN**

**21 JULAI 2021**

**MENGENAI PELAN PEMULIHAN NEGARA (PPN) & PERINTAH  
KAWALAN PERGERAKAN DIPERKETATKAN (PKPD)**

**SOP COVID-19 di Sektor Perkilangan dan Premis Perniagaan**

Kerajaan telah mempertingkatkan penguatkuasaan secara menyeluruh dari segi pemeriksaan ke atas kilang-kilang dan premis-premis perniagaan kerana terlalu banyak pelanggaran arahan kerajaan dan SOP yang telah diwartakan.

Semalam Pasukan Task Force Operasi Pematuhan telah melaksanakan 68,921 pemeriksaan dan *snap check* COVID-19 di seluruh negara dengan jumlah kekuatan anggota seramai 18,351 orang.

Ia termasuk pemeriksaan ke atas 1,556 buah kilang, 11,369 premis perniagaan, 416 tapak pembinaan dan 145 buah asrama penempatan pekerja.

Hasil daripada pemeriksaan tersebut, sebanyak 25 premis meliputi kilang, premis perniagaan dan tapak pembinaan diarahkan tutup kerana gagal mematuhi SOP yang ditetapkan kerajaan.

## **Pelaksanaan PKPD**

Sidang Khas MKN telah meneliti pembentangan oleh KKM dan setelah mengambil kira penilaian risiko serta trend jangkitan COVID-19, Kerajaan bersetuju untuk mengenakan PKPD di lokaliti-lokaliti berikut:

<b>BIL</b>	<b>Lokaliti PKPD</b>	<b>Tarikh Mula PKPD</b>	<b>Tarikh Tamat PKPD</b>
1.	Taman Merpati, Sandakan, Sabah	23 Julai 2021	5 Ogos 2021
2.	Felda Jengka 12, Jerantut, Pahang	23 Julai 2021	5 Ogos 2021
3.	Kampung Belangkap, Rompin, Pahang	23 Julai 2021	5 Ogos 2021
4.	Kampung Orang Asli Ruai, Batu Talam, Raub, Pahang	23 Julai 2021	5 Ogos 2021

SOP bagi kesemua PKPD adalah sama seperti yang diumumkan sebelum ini. Maklumat lanjut boleh diakses di laman sesawang MKN di [www.mkn.gov.my](http://www.mkn.gov.my)

## **Pelanjutan PKPD**

Sidang Khas MKN juga telah meneliti pembentangan KKM mengenai situasi di lokaliti PKPD dan setelah mengambil kira penilaian risiko serta trend jangkitan COVID-19, Kerajaan bersetuju untuk melanjutkan PKPD di lokaliti-lokaliti berikut:

<b>BIL</b>	<b>Lokaliti PKPD</b>	<b>Tarikh Tamat PKPD</b>	<b>Cadangan</b>
1.	Kampung Istimewa, Batu Sapi, Sandakan, Sabah	22 Julai 2021	Dilanjutkan dari 23 Julai 2021 sehingga 5 Ogos 2021
2.	Kondominium One Borneo, Kota Kinabalu, Sabah	22 Julai 2021	Dilanjutkan dari 23 Julai 2021 sehingga 5 Ogos 2021

## **Penamatan PKPD**

Sidang Khas MKN setelah meneliti pembentangan KKM mengenai situasi semasa, Kerajaan bersetuju untuk menamatkan PKPD di lokaliti-lokaliti berikut:

<b>BIL</b>	<b>Lokaliti PKPD</b>	<b>Tarikh Mula PKPD</b>	<b>Cadangan</b>
1.	Seluruh Daerah Seremban, Negeri Sembilan	9 Julai 2021	Ditamatkan pada 22 Julai 2021 seperti yang dijadualkan
2.	Kuarters Pekerja Malaysia- China Industrial Park (MCKIP), Gebeng, Kuantan, Pahang	9 Julai 2021	Ditamatkan pada 22 Julai 2021 seperti yang dijadualkan
3.	Dua Taman Perumahan di Kota Bharu, Kelantan <ul style="list-style-type: none"> <li>• Taman Kurnia Jaya</li> <li>• Taman Pinggiran Golf</li> </ul>	9 Julai 2021	Ditamatkan pada 22 Julai 2021 seperti yang dijadualkan
4.	Kampung Sungai Imam, Tawau, Sabah	9 Julai 2021	Ditamatkan pada 22 Julai 2021 seperti yang dijadualkan
5.	Dua Perkampungan di Putatan, Sabah <ul style="list-style-type: none"> <li>• Kampung Lembising</li> <li>• Kampung Dumpil Keramat</li> </ul>	9 Julai 2021	Ditamatkan pada 22 Julai 2021 seperti yang dijadualkan
6.	Kampung Balibata, Beaufort, Sabah	9 Julai 2021	Ditamatkan pada 22 Julai 2021 seperti yang dijadualkan
7.	Kampung Pintasan, Kota Belud, Sabah	9 Julai 2021	Ditamatkan pada 22 Julai 2021 seperti yang dijadualkan

## **Task Force Operasi Pematuhan**

Task Force Operasi Pematuhan yang diketuai Polis Diraja Malaysia (PDRM) telah melakukan 68,921 pemeriksaan semalam.

Ia melibatkan 3,989 Pasukan Pematuhan yang terdiri daripada 18,351 anggota bagi memantau dan menguatkuasakan pematuhan Prosedur Operasi Standard (SOP) sepanjang Perintah Kawalan Pergerakan (PKP).

Semalam, 420 individu ditahan atas kesalahan ingkar SOP. Daripada jumlah itu, seramai 332 individu dikompaun, 82 direman manakala enam (6) lagi individu telah dijamin.

Orang ramai diingatkan untuk sentiasa mematuhi SOP yang ditetapkan dan mengamalkan kawalan sendiri dalam usaha untuk memutuskan rantaian jangkitan COVID-19.

## **Kawalan Sempadan Negara**

Operasi BENTENG (Op BENTENG) semalam telah menangkap lima (5) orang Pendatang Asing Tanpa Izin (PATI) dan merampas sebuah kenderaan darat.

Selain itu, seramai 15 orang PATI dan empat (4) buah bot/kapal turut dikesan berada di perairan negara menerusi enam (6) akitiviti penglihatan.

Op BENTENG melibatkan Polis Diraja Malaysia (PDRM), Angkatan Tentera Malaysia (ATM), Agensi Penguatkuasaan Maritim Malaysia (APMM) dan Agensi Keselamatan Sempadan Malaysia (AKSEM) serta agensi-agensi keselamatan lain turut menjalankan 890 Sekatan Jalan Raya (SJR) semalam iaitu:

Op PENAWAR (ATM, PDRM dan RELA)	- 836 SJR
Op BENTENG PDRM	- 45 SJR
Op BENTENG AKSEM	- 9 SJR

### **Kuarantin Wajib**

Semalam, seramai 735 individu tiba di semua pintu masuk antarabangsa dan semuanya telah dikuarantin di stesen-stesen kuarantin di seluruh negara.

Secara kumulatifnya, sejak 24 Julai 2020, seramai 253,037 individu telah pulang ke tanah air dan kesemua ditempatkan di 83 hotel dan 11 Institut Latihan Awam (ILA) serta Institut Pengajian Swasta di seluruh negara.

Daripada jumlah itu, seramai 9,189 individu telah dikuarantin dan 240,402 orang dibenarkan pulang manakala 3,446 lagi dibawa ke hospital.

### **Saringan Wajib Pekerja Warga Asing**

Semalam, seramai 44 warga asing telah menjalani ujian saringan dan daripada jumlah itu, empat (4) orang didapati positif COVID-19.

Secara kumulatifnya, Kementerian Sumber Manusia (KSM) memaklumkan seramai 701,195 pekerja warga asing telah menjalani ujian saringan COVID-19 yang melibatkan 36,461 majikan.

Daripada jumlah itu, seramai 10,453 orang telah disahkan positif COVID-19. Sehingga kini, sebanyak 1,544 buah klinik telah terlibat dengan program saringan ini.

Seperti yang telah diumumkan, ujian saringan COVID-19 adalah diwajibkan kepada semua pekerja warga asing mulai 1 Februari 2021.

## **Barang Keperluan Asas**

Pemantauan serta pemeriksaan oleh anggota Penguatkuasa Kementerian Perdagangan Dalam Negeri dan Hal Ehwal Pengguna (KPDNHEP) di peringkat peruncit dan pemborong mendapati bekalan makanan adalah stabil dan mencukupi.

Semalam, KPDNHEP telah membuat 734 pemantauan harian ke atas 11 jenis bekalan barangan terdiri daripada peruncit (552), pemborong (150) dan pengilang (32).

KPDNHEP juga telah melakukan 2,031 pemeriksaan khas dan daripada jumlah itu, 2,026 premis mematuhi SOP manakala lima (5) lagi dikompaun.

**Amalkan “lockdown” sendiri. Kekal di rumah dan amalkan gaya hidup sihat bersama keluarga dalam lingkungan kawasan rumah sendiri.**

**Terima kasih.**

**#StaySafeStayHome  
#AmalkanKawalanKendiri**

**YAB DATO' SRI ISMAIL SABRI YAAKOB**

**TIMBALAN PERDANA MENTERI  
MENTERI PERTAHANAN**